



## Vijeće za konkurentnost

Broj: 02-02-895-1/14-XXI

Jablanica, 27.12.2017. godine

### Izvod iz zapisnika sa XXI sjednice Vijeća za konkurentnost općine Jablanica održane dana 27.12.2017. godine sa početkom u 11:00 sati

**Prisutni:** Salem Dedić – Općinski načelnik, Dženan Mulahasanović – zamjenik predsjednika VZK, Amela Muratović- Služba za LER i investicije, finansije i trezor, Mate Mijić predsjedavajući OV-a, Admir Đelmo – Savez poljoprivrednih udruženja Jablanica, Jusuf Džafić - „Voćepromet“ d.o.o. Jablanica, Edin Budim – „Labrador“ d.o.o. Jablanica, Nermin Pozder - predstavnik JP EP BiH HE n/N, Esad Ćosić- preduzeće „Granitmont“ d.d Jablanica, Jasmina Hindić-AC Sunce d.o.o Jablanica.

**Odsutni:** Ragib Mehmedagić – predsjednik VZK-a Jablanica, Ivan Zelenika predstavnik JP EP HZHB - Radna jedinica Jablanica, Senad Kovačević – Restoran „Kovačević“, Amil Babić – „Babić“ d.o.o. Jablanica, Kemal Muratović-predstavnik Biro za zapošljavanje.

Zamjenik predsjednika VZK-a, Dženan Mulahasanović je pozdravio prisutne, utvrdio da postoji kvorum za rad VZK-a i predložio dnevni red:

1. Izvod iz zapisnika sa XX sjednice VZK-a
2. Rasprava o prijedlogu izvršenja Budžeta-Proračuna općine Jablanica za 2018.godinu
3. Operativni plan implementacije Integralne strategije razvoja općine Jablanica za 2018. godinu sa programom realizacije kapitalnih investicija

Predloženi dnevni red usvojen jednoglasno.

Načelnik Salem Dedić pozdravio je prisutne, te zatražio da Udruženje privrednika razmotri mogućnost za izradu regulacionog plana poslovnih zona. Izrada regulacionog plana na lokalitetima Jarište i/ili Donja Jablanica i/ili Mirke.

Potrebno da Upravni odbor Udruženja privrednika Jablanica razmotri ponuđene mogućnosti i predloži privrednu zonu za izradu regulacionog plana.

Prijedlog Načelnika da Udruženje privrednika predloži nove članove Vijeća za konkurentnost.



JABLANICA  
LJEPOTA ZAPISANA U KAMENU



## Ad. 1. Izvod iz zapisnika sa XX sjednice VZK-a

Jednoglasno usvojen, nije bilo primjedbi.

## Ad.2. Rasprava o prijedlogu izvršenja Budžeta-Proračuna općine Jablanica za 2018.godinu

Uvodnu riječ dao je zamjenik predsjednika VZK-a, Dženan Mulahasanović. Prisutne je upoznao da će uloženi amandmani biti izloženi na Vijeću dana 28.12.2017.godine, kao i odgovore na amandmane, obrazloženja da li su usvojeni ili ne.

Također, istaknuto je da budžet ima razvojnu komponentu, i da se kao takav može korigovati. Otežavajuću okolnost za budžet predstavljaju prihodi koji dolaze od strane JP Elektroprivrede BIH. Ukoliko ti prihodi budu umanjeni, doći će do smanjenja prihoda za socijalna i kapitalna izdavanja.

Načelnik je dao konstataciju da je Prijedlog bužeta otišao u proceduru. Uloženi amandmani su razmotreni. Prihvaćeni su amandmani od strane JU Centar za socijalni rad, JU „Pčelica“, Vijeće Mladih. Amandmani od strane političkih partija SDP-a i LDS-a nisu prihvaćeni zbog tehničke neispravnosti.

Istaknuta je potreba za privlačenjem kako domaćih tako i stranih investitora. Dženan Mulahasanović je naglasio da je jedan od vijećnika dao prijedlog da se održi zajednički sastanak sa privredim sektorom radi ozbiljnih pregovora, a sve u cilju da se investitorima olakša pristup informacijama, dokumentima, odnosno da se osigura potrebna papirologija u što kraćem vremenskom periodu.

U okviru ovog budžetu su obuhvaćeni volonteri i pripravnici. Na ovoj način se poboljšavaju uslovi za privrednike, kao i za buduće volontere i pripravnike gdje u okviru ovog programa stižu određena znanja, vještine i iskustvo potrebno za dalje usavršavanje kao i da budu konkurentni na tržištu rada.

Načelnik se također dotakao stavke plate, da staka ne može biti umanjena iz razloga jer pokriva sve budžetske korisnike, uključujući JU Centar za socijalni rad, JU Pčelica.

Planirana je izgradnja zgrade za socijalno stanovanje u suradnji sa Ministarstvom ljudskih prava i izbjeglica.

Gospodin Džafić Jusuf se osvrnuo na izdvajanja budžetskih sredstava za stipendije i sportske klubove. Smatra da se treba razmotriti pitanje postavljanja kriterija za dobivanje stipendija, prekvalifikacija postojećih zanimanja kojih ima u suficitu, kao i davanje podsticaja studentima koji se odluče za zanimanja koja su u deficitu. Također, iskazao je nezadovoljstvo zbog postojanja prevelikog broja sportskih klubova.

Esad Ćosić je rekao da reforme u ovom slučaju moraju početi sa višeg nivoa. Kao i da mora postojati adekvatno nastavno osoblje koje će biti sposobno obučiti buduće generacije i dati im prava usmjerenja u odgovarajućoj struci.

Amela Muratović, pomoćnik načelnika, je istakla saradnju s gosp.Džafić Jusufom. U okviru te saradnje se vršila obuka i prekvalifikacija nezaposlenih osoba, sa zanimanjem kuhar i konobar. Jako slab odaziv istih je bio, gdje je ustanovljeno da se prilika za usavršavanje i sticanje novog znanja, kao i prilika za zapošljavanje nije dobila pozitivnu ocjenu kao konačan ishod ovog projekta.

Nermin Pozder ispred JP EP BiH HE n/N rekao je da su sredstva od hidroakumulacije planirana u iznosu od 4.400.000 KM. Čeka se konkretan stav uprave koji će biti zazuzet vrlo brzo.

Načelnik je dodao da zavisno od tužbe koja je upućena od strane Općine Prozor-Rama prema JP EP BIH HE n/N, zavisi da li će doći do umanjenja budžeta.


Ad. 3. Operativni plan implementacije Integralne strategije razvoja općine Jablanica za 2018. godinu sa programom realizacije kapitalnih investicija

Dženan Mulahasanović je istakao da je Budžet za 2018. godinu planiran u okvirima Budžet za 2017. godinu, Stavke Operativnog plana se nalaze u Prijedlogu budžeta. Od januara odnosno februara se kreće s implemenatcijom ovih sredstava. Plan je u formi strateškog plana razvoja, iako postoje neki projekti koji i nisu strateškog razvoja ali se nalaze u planu.

Nermin Pozder se dotakao obnove mosta na rijeci Neretvi. Rečeno je da je slaba konkurencija na provedenim tenderima, kao i da su ponude ponuđača veće od onog što se planiralo. Aukcija se održava 28.12.2017.godine, a javile su se dvije firme koje zadovoljavaju uslove.

Dženan Mulahasanović, zamjenik predsjednika VZK-a zaključuje sjednicu u 12:00 sati.

Zapisnik vodila

  
Alma Šćuk

Predsjednik VZK

  
Ragib Mehmedagić